

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA BANOVIĆI
OPĆINSKO VIJEĆE
Broj: 10/01-02-207/19
Banovići, 12.07.2019. godine

Na osnovu člana 13. Zakona o principima lokalne samouprave u Federaciji Bosne i Hercegovine („Sl. Novine Federacije BiH“, broj 49/06,51/09), u skladu sa odredbama Zakona o javnim preduzećima u Federaciji Bosne i Hercegovine („Sl. novine Federacije BiH“, br. 8/05, 81/08,22/09,109/12), člana 8. Zakona o ministarskim, vladinim i drugim imenovanjima Federacije Bosne i Hercegovine („Sl. novine Federacije BiH“, broj: 12/03,34/03 i 65/13), člana 25. Statuta Općine Banovići („Sl. glasnik općine Banovići“, broj 3/08) i Zaključka Općinskog vijeća broj:10/01-02-197/19, a u skladu sa Uputstvom o uslovima i kriterijima za imenovanje na pozicije u organima u kojima općinski organi vlasti imaju pravni interes ili zakonito pravo da vrše nominaciju odnosno imenovanje broj 01-05-210/05 od 03.02.2005. godine, Predsjedavajući Općinskog vijeća raspisuje:

JAVNI OGLAS

I

Obzirom na ukazanu potrebu raspisuje se Javni oglas za izbor i imenovanje člana Nadzornog odbora Javnog preduzeća „Eko-Sep“ d.o.o. Živinice Centar za upravljanje otpadom Separacija 1, kako slijedi:

1.NADZORNI ODBOR JP „EKO-SEP“D.O.O.ŽIVINICE CENTAR ZA UPRAVLJANJE OTPADOM SEPARACIJA 1

-član iz reda osnivača

A/ Prava i obaveze Nadzornog odbora

- Nadzorni odbor preduzeća nadzire rad uprave, priprema poslovnike i predlaže ih skupštini, priprema etički kodeks i predlaže ga skupštini, vrši izbor kandidata Odbora za reviziju i podnosi prijedlog za njegovo imenovanje skupštini, razmatra provedbeni propis za postupak nabavke i nadzire njegovo provođenje, daje mišljenje skupštini o prijedlogu uprave za raspodjelu profita, imenuje i razrješava članove uprave, daje saglasnost za aktivnosti koje su ograničene na osnovu odredbi Zakona o javnim preduzećima, daje upute direktoru za provođenje uviđaja u vezi sa uočenim nepravilnostima i vrši druge poslove u skladu sa Zakonom, Statutom i drugim normativnim aktima preduzeća.

B/ Mandat i naknada za rad

Član Nadzornog odbora JP „Eko-Sep“d.o.o.Živinice imenuju se na period od 4 (četiri) godine.

Imenovana osoba ima pravo na naknadu u skladu sa Zakonom i uslovima utvrđenim općim aktima preduzeća i ustanova i ista će se isplaćivati iz sredstava preduzeća.

C/ Opći uslovi za imenovanje

Svi kandidati za pozicije u regularnom organu koji je predmet ovog javnog oglasa moraju ispunjavati slijedeće opće uslove:

- a) da je državljanin BiH,
- b) da je stariji od 18 godina,

- c) da nije otpušten iz državne službe kao rezultat disciplinske mjere (bilo na nivou države ili entiteta) u periodu od 2 godine prije dana objavljivanja upražnjenje pozicije,
- d) da se na njega ne odnosi član IX. 1 ustava Bosne i Hercegovine (da nisu pod optužnicom međunarodnog suda za ratne zločine u bivšoj Jugoslaviji),
- e) da se protiv njega ne vodi krivični postupak
- f) da nije osuđivan za krivično djelo i za privredni prijestup koji je nespojiv sa dužnošću u nadzornom odboru, pet godina od dana pravosnažnosti presude, isključujući vrijeme zatvorske kazne,
- g) da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima u FBiH („Sl. Novine Federacije BiH“, broj: 12/03),
- h) da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji BiH („Sl. Novine F BiH“, broj 70/08),
- i) da nema privatni finansijski interes u privrednom društvu (javnom preduzeću) ili ustanovi u koje se kandidira u smislu člana 2. Tačke 1.2. Zakona o ministarskim, vladinim i drugim imenovanjima u F BiH,
- a) da nije lice kojem je pravosnažnom presudom suda zabranjeno obavljanje aktivnosti u nadležnosti privrednog društva (javnog preduzeća) ili javne ustanove u koju se kandiduju,
- b) da ne postoje druge zakonske smetnje za obavljanje poslova iz nadležnosti Nadzornog odbora.

D/ Posebni uslovi za imenovanje Nadzornog odbora

- Za imenovanje člana Nadzornog odbora kandidat treba da ima VII/1 stepen stručne spreme ili završen fakultet Bolonjskog sistema studiranja s najmanje 180 ECTS, višu odnosno VI/1 stepen stručne spreme ili IV stepen stručne spreme društvenog ili tehničkog smjera i radno iskustvo od najmanje 1. godine,

E/ Pored posebnih uslova, za nadzorni odbor kandidati treba da:

- a) uživaju ugled u lokalnoj zajednici,
- b) posjeduju odgovarajuće stručno znanje iz oblasti za koju se kandiduju,
- c) nisu članovi više od jednog upravnog ili nadzornog odbora,
- d) posjeduju sposobnost nepristrasnog donošenja odluka,
- e) posjeduju komunikacijske i organizatorske sposobnosti,

F/ Potrebni dokumenti

Uz prijavu na javni oglas kandidati su dužni priložiti:

1. kraću biografiju, adresu i kontakt telefon,
2. uvjerenje o državljanstvu, ne starije od 6 mjeseci,
3. diplomu o završenoj školskoj spremi,
4. uvjerenje o radnom iskustvu,
5. Izjavu od poslodavca da nije otpušten iz službe kao rezultat disciplinske mjere u periodu od 2 godine prije objavljivanja oglasa ili ovjerenu Izjavu o navedenom ovjerenu od strane nadležnog organa,
6. Izjavu kojom dokazuju da ispunjavaju ostale opće uslove iz tačaka d), g), h), i) ovjerenu od strane nadležnog organa.

Svu dokumentaciju je potrebno dostaviti u originalu ili ovjerenoj kopiji.

U roku od osam dana od dana imenovanja kandidat koji bude konačno imenovan za člana Nadzornog odbora bit će dužan dostaviti sledeću dokumentaciju:

1. uvjerenje da se protiv njega ne vodi krivični postupak,

2. uvjerenje da nije osuđivan za krivično djelo i privredni prestup nespojiv sa dužnosti u nadzornom odboru.

U roku od šest mjeseci od dana imenovanja kandidat koji bude konačno imenovan za člana nadzornog odbora bit će dužan dostaviti uvjerenje/certifikat o završenom usavršavanju u skladu sa odredbama Uredbe o usavršavanju predsjednika i članova nadzornih odbora i uprava privrednih društava sa učešćem državnog kapitala („Službene novine F BiH“ broj: 71/09, 33/10, 23/11, 83/11 i 2/13).

Sa kandidatom koji bude ispunjavao sve potrebne uslove bit će obavljen intervju.

Podnosioci prijava s kojima se ne stupi u kontakt u određenom roku od dana isteka roka za podnošenje prijava neće se uzeti u razmatranje u daljem procesu imenovanja.

Svi kandidati koji budu stavljeni na listu bit će pozvani na intervju. Prilikom pozivanja kandidata na intervju svaki kandidat mora ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja.

Prije intervjua komisija može tražiti podatke od neposrednih ranijih rukovodilaca preporuke o kandidatima.

Prilikom izbora uzet će se u obzir priznanja i rezultati koje je kandidat do sada stekao iz oblasti za koju se kandiduje.

U postupku konačnog izbora prednost imaju kandidati koji u potpunosti ispunjavaju opće i posebne uslove i veći stepen stručne spreme.

Nakon intervjua Komisija za izbor će predložiti rang listu sa najboljim kandidatima i dostaviti odgovornom javnom službeniku općine Banovići (Općinsko vijeće) na daljnje razmatranje i konačno imenovanje.

Konačna imenovanja će se objaviti u Službenim novinama Federacije BiH ili Službenim novinama kantona, grada ili općine.

Bilo koji kandidat ili zainteresirana stranka mogu podnijeti prigovor na konačno imenovanje, ako smatraju da u procesu imenovanja nisu ispoštovani principi utvrđeni Zakonom o ministarskim, Vladinim i drugim imenovanjima u FBiH.

Prigovor na konačna imenovanja se podnosi odgovornom javnom službeniku općine a kopija se dostavlja Ombudsmenu za ljudska prava BiH.

Javni oglas ostaje otvoren 14 dana od dana objavljivanja u „Službenim novinama Federacije BiH“, dnevnom listu, službenoj web stranici Općine Banovići (www.opcina-banovici.com.ba) i oglasnoj ploči Općine Banovići.

Rok za podnošenje prijava računa se prema datumu objave oglasa u glasilu koje zadnje objavi ovaj oglas.

Prijave sa svim traženim dokumentima dostaviti lično ili preporučeno poštom na adresu: Općina Banovići, ulica Alije Dostovića br. 1, 75290 Banovići, sa naznakom „Prijava na javni oglas za izbor i imenovanje člana nadzornog odbora JP „Eko-Sep“ d.o.o. Živinice Centar za upravljanje otpadom Separacija 1- NE OTVARAJ.

Obrazac prijave moguće je preuzeti na web stranici Općine Banovići (www.opcina-banovici.com.ba) ili u šalter Sali Općine Banovići.

Neblagovremene i nepotpune prijave neće se uzeti u razmatranje.

II

Odluka stupa na snagu donošenja i objavit će se u „Službenom glasniku općine Banovići“.



Predsjedavajući Općinskog vijeća
Nermin Delagić